

E TRES LIDERNAN POLITICO A REUNI CU GOBERNADOR PA AVANSA RIBA FORMACION DI GOBIERNO



Hues kier pa mas investigacion tuma lugar pa trece claridad
**CASO DI TIRAMENTO CU HENDE HERIDA DURANTE
TRANSACCION DI DROGA POSPONI**



**STOP BULLYING Y
MALTRATO CONTRA
HENDE MUHE**

**“E RESULTADO DI VOTEGETTER PA
ARUBA TA UN MUESTRA DI APRECIO
PA E MANEHO DI GABINETE WEVER-
CROES DURANTE E ULTIMO 7 AÑA**

Mi sa cu mi a traha hopi duro y mi sa
tambe cu mi ta bay laga Aruba hopi miho
cu mi a hay’e na aña 2017”



Lider di MEP Evelyn Wever-Croes:

Despues di a Sali for di reunion cu Gobernador Lider di MEP a expresa:

“E RESULTADO DI VOTEGETTER PA ARUBA TA UN MUESTRA DI APRECIO PA E MANEHO DI GABINETE WEVER-CROES DURANTE E ULTIMO 7 AÑA

Mi sa cu mi a traha hopi duro y mi sa tambe cu mi ta bay laga Aruba hopi miho cu mi a hay’e na aña 2017”

Lider di partido Movimiento Electoral di Pueblo (MEP) Evelyn Wever-Croes ta gradici tur e 17572 sostenedornan, cu a deposita nan confiansa y sosten den partido MEP demostrando esaki abiertamente y publicamente durante e campaña electoral. Lider di MEP ta gradici tambe e 28 candidatonan cu conhuntamente a traha extremadamente hopi duro, na nan famianan y campañadonan cu a campaña durante e periodo cortico. “Danki di curason, boso esfuerso a duna nos partido e cantidad di voto cu nos a obtene”, Lider di MEP a enfatisa.

Alabes, Lider di MEP ta gradici su 6474 votadonan cu a deposita nan confiansa den dje cu un biaha mas el a bira e votegetter pa Aruba pa Eleccion 2024. “Mi no a spera esaki. Esaki a sorprende mi y a trece hopi emocion pa mi pasobra mi a pensa door cu nos no a sali e partido mas grandi, lo nos no tawata tin e votegetter tampoco. Mi ta aprecia esaki y di curason hopi danki, Evelyn Wever-Croes a expresa.

Lider di MEP a remarca cu e hecho cu el a bira e votegetter un biaha mas, e ta considera esaki como un reconocimiento pa tur e trabounan cu Gabinete Wever-Croes a haci pero mas ainda, pa Lider di MEP esaki ta fortalece su compromiso pa continua pa guia e pais aki si haya e oportunidad. Partido MEP a traha hopi duro den e Campaña

2024, cu e miho ekipo, un programa detaya, a presenta nos vision di kico mester haci pa hiba nos pais padilanti y con pa haci esaki. Pero pa un poco mas cu 300 voto, Partido MEP no ta e partido mas grandi mas, sinembargo nos ta satisfecho.

Historia ta muestra cu partidonan den pasado cu a goberna dos termino tras di otro a wordo castiga perdiendo mas di 10.000 voto. Den e caso aki di Partido MEP, e no tawata asina severo. Despues di dos termino di gobernacion, ta bin un desgaste. Tin ciudadanonan cu ta mal contento pasobra no a yuda nan cu trabou, tereno of permiso entre otro cu ta causa cu nan lo no sostene e Partido apesar cu esaki no ta culpa di Partido of di gobierno.

Den e eleccion aki, Partido MEP a bay atras cu 3000 voto so, 11%. Esaki no ta asina severo manera semper ta e caso cu gobiernonan prome cu Gabinete Wever-Croes cu a goberna dos periodo. Un ehempel di esaki ta AVP na 2017 cu a bay atras drasticamente despues di dos periodo di gobernacion. Tambe tawata tin e hecho cu tawata un campaña fuerte cu 11 partido cu practicamente tur a hiba campaña contra Partido MEP cu enbes di a trece puntonan di vision padilanti, a demonisa y ataca MEP. Un factor importante tambe ta e medionan comprometi cu ta na banda di oposicion cu tur

dia a demonisa y ataca Partido MEP. Asina mes, MEP a wanta su forsa na 8 asiento.

Partido MEP pa esaki ta hopi agradecido y a cuminsa riba analisisnan di e campaña y resultado awo cu tin tur cifra oficial pa establece unda mester mehora como candidato y como partido. Despues di esaki, mesora Campaña 2028 ta cuminsa.

Lider di MEP despues di a sali for di su reunion cu SE Gobernador Alfonso Boekhoudt diamars mainta, a indica cu e proceso di formacion di un gobierno nobo a cuminsa.

“Posicion di Partido MEP ta, cu no ta nos ta esun yama pa forma un gobierno nobo, pero tur Partido cu kier papia y negocia cu nos, nos ta habri pa hiba conbersacion. Mientras, mi ta desea tur Partido hopi exito den e periodo nos dilanti. Desde diasabra mi a felicita Partido FUTURO y Partido PPA cu a saca asiento den Parlamento. Mi ta felicita tambe Partido AVP cu a bira e Partido mas grandi y nan a gradici mi pa e felicitacion.

E resultado di Votegetter pa Aruba, ta un muestra di aprecio pa e manejo di Gabinete Wever-Croes durante e ultimo 7 aña. Y nos ta cla y prepara pa sigui cu e trabou aki si pueblo di Aruba ta desea esaki. Si Partido MEP tin un rol den e siguiente gobernacion,



pueblo por tin e siguransa di por spera un gobernacion cu ta pone e ser humano central y ta traha riba desaroyo di henter nos pais. Y si den e futuro gobernacion no tin un papel pa Partido MEP, desde Parlamento, nos lo sa di cuida e interes di tur ciudadano di nos pais. Pueblo lo comprende e pasion y compromiso di Partido MEP pa Aruba”, Lider di MEP a expresa.

Lider di MEP a expresa di ta contento y satisfecho cu apesar di tawata tin tur Partido y medionan mara na cierto partido contra Partido MEP, MEP ta e partido mas grandi den 4 districto di e 6 districtonan di Aruba, esta Noord, Paradera, Sta.Cruz y Savaneta. “E sosten abrumador aki ta duna mi hopi satisfaccion y mi ta hopi agradecido. Na fin di dia mi sa cu mi a traha hopi duro y mi sa tambe cu mi ta bay laga Aruba hopi miho cu mi a hay’e na aña 2017. Y esaki tawata mi meta”, Lider di MEP a expresa.

Sandra Croes:

STOP BULLYING Y MALTRATO CONTRA HENDE MUHE;

Mi ultimo Palabra Riba Esaki

For di red social:
Awe mi a confirma un biaha mas cu nan ta usa mi nomber pa lastra, pa bully, pa chisme, falta di respet y atake personal contra mi persona como un hende muhe.

Patrick y Speed, boso ta burlando di mi fisico y haci comentario tocante di mi futuro laboral. Esaki ta un ehempel cla di bullying. Si esaki ta haci boso feliz, goza di dje. Pero mi lo sigui cu FE, dignidad y confianza. Ora un porta cera, un otro lo habri pa mi, di esaki mi ta sigur.

Sinembargo, e tipo di actitud cu boso ta muestra ta refleha algo mas

profundo: odio, venganza, celos, inmadurez y sed pa poder. Boso a eligi pa ataca un hende muhe cu semper a traha cu tur respet, profesionalismo pa Aruba. Esaki no ta solamente un atake personal, pero un falta di respet na tur hende muhe. Corda semper esaki: Boso a bin di un hende muhe. Patrick, bo ta casa cu un hende muhe, y bo yiu ta un hende muhe. Ki ehempel boso ta duna nan? Ami nunca a mete cu bo y ni burla di e video di bo yiu! Hende muhe ta pa wordo stima, balora y trata cu amor y respet, no pa wordo maltrata, ni verbal ni fisicamente. Sinta tras di un microfono y usa e plataforma pa denigra un hende muhe no ta



libertad di expresion, esaki ta violencia verbal!!


Recientemente, Gobierno di Aruba a lansa e Plan Nacional pa End Gender Based Violence, to stop violence against woman and Girls in Aruba. Mi ta spera cu e mensahe aki tambe yega cerca boso, pa duna boso inspiracion pa reflecciona boso violencia verbal contra ami y tur otro hende muhe! Ta ora pa STOP e maltrato y violencia contra hende muhe!

El Mundo es un lugar mejor, gracias a la belleza UNICA de cada mujer!

CAMBIO DEN PRIJS DI PRODUCTIONAN PETROLERO 11 DECEMBER 2024

Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 11 deember 2024:

Gasoline unleaded-premium	: 233,7 cen p/ltr. (- 4,7 cen)
Diesel LS	: 205,6 cen p/ltr. (- 0,6 cen)
Kerosin	: 181,2 cen p/ltr. (- 0,7 cen)
E prijsnan ta inclui BBO/BAZV/BAVP	



TOP 10 VOTEGETTER 2024 FULL ARUBA:

- 1 Evelyn, 6474
- 2 Mike Eman, 5277
- 3 Wendrick, 4894
- 4 Gerlien, 4492
- 5 Dangui, 2714
- 6 Otmar, 2419
- 7 Geoffry, 1903
- 8 Miguel, 1825
- 9 Endy Croes, 1662
- 10 De Meza, 1476

Esaki te lista veridico!! By SDPueblo.



NoticiadiCorte

Hues kier pa mas investigacion tuma lugar pa trece claridad

CASO DI TIRAMENTO CU HENDE HERIDA DURANTE TRANSACCION DI DROGA POSPONI

Recien tabatin un interesante caso di tiramento den Corte di Husticia. Ta trata di un caso di un transaccion di droga cu a bay robey y tabatin tiramento y un hende a resulta herida. E sospechoso Z.T. ta para riba cu e no a tira.

SOLO DI PUEBLO a compronde cu Hues a ordena pa laga Instituto Forence na Hulanda, haci investigacion riba e arma pa mira si tin DNA di e sospechoso. Tambe Hues a ordena cu e kier scucha e victima di tiro, E. como testigo.

TIRAMENTO
Recien Ministerio Publico a cuminsa un caso penal contra e homber Hulandes Z.T. (20), caminda ta acusa Z.T. di a purba mata e homber E. riba 9 Mei 2024. Fiscal ta acusa Z.T. di a tira E. Tambe Fiscal ta acusa Z.T. di posecion di un revolver.

SOSPECHOSO TA NENGA
Hues a puntra Z.T., si el a tira riba e homber E. El a desmenti. Hues a bisa cu na Polis Z.T. a declara cu ta E., a dirigi arma riba dje y los tiro riba Z.T. su auto. Segun Z.T., el a bringa cu E. y durante e bringamento, E. a herida su mes cu e arma. Z.T. a desmenti di a mishi cu e revolver.
MESTER MAS INVESTIGACION

Hues a bisa cu loke Z.T. ta declara, ta un escenario completamente diferente cu loke e victima E. ta declara.

Hues a bisa cu por tin DNA riba e arma. E ta haya cu lo ta bon pa laga haci investigacion Forence na Hulanda pa determina sigur si Z.T. a mishi cu e arma of no. Hues tambe ta haya cu mester interroga E. atrobe. Hues a bisa cu Z.T. y E. a bringa cu otro y mester saca afor kende tabatin e arma den su man.

Tambe Hues a remarca cu el a ripara for di e procesverbaal di Polis, cu E. a bisa cu diripiente hendenan a dreña su auto. Tin hende a bisa cu E. lo tabata bende droga. Hues a bisa cu no tin indicacion cu Z.T. tabatin un arma. E ta haya cu mester haci mas investigacion den e caso.

SCUCHA VICTIMA COMO TESTIGO
Hues a bisa cu e kier scucha e victima E. como testigo y e kier e raport di NFI.

Fiscal a bisa Hues cu e ta compronde e importancia di e raport di NFI pa haya claridad kende a mishi cu e arma. Fiscal a sigui bisa cu e tambe ta bou di e impresion cu E. no a papia tur cos. Fiscal ta haya cu E., no a papia di lo tabata bende droga.

Abogadonan di Z.T. a bisa Hues cu nan tambe ta di acuerdo pa pospone e caso pa mas investigacion. Nan no tin nada contra pa scucha E. como testigo. E abogadonan tambe ta di acuerdo pa pospone e caso pa mas investigacion.

ABOGADONAN KIER PA SOSPECHOSO BAY LIBER
E abogadonan a pidi Hues pa laga Z.T. liber pendiente di tratamiento di e caso.

Fiscal a reacciona cu e homber F. cu tabata den e auto, a bisa cu Z.T. tabatin un arma y den transaccion di droga, Z.T. a tira E. y a herid'e. Fiscal ta haya cu aki por papia di intento mata. E ta haya e interes di e caso penal ta pisa mas cu e interes di Z.T. Fiscal no ta haya cu mester laga Z.T. liber.

HUES NO A LAGA SOSPECHOSO LIBER
Hues a bisa cu ainda tin motibo di peso den e caso y e no ta haya cu por laga Z.T. liber. Hues a rechaza peticion di abogadonan.
Hues a pospone tratamiento di e caso pa dia 28 Maart 2025 pa 8.30 di mainta.

PETICION PA WERKBOEK

Director di Departamento di Labor y Investigacion ta informa cu en conexion cu dianan di fiesta venidero, lo acepta y procesa peticionnan relaciona cu werkboek te cu diabierna 13 di december 2024.

Entrante januari 6, 2025 lo cuminsa ricibi peticion y procesa werkboek bek.

Departamento di Labor y Investigacion ta pidi disculpa pa cualquier inconveniencia cu esaki por trce cune,

y ta desea pueblo di Aruba un feliz y saludabel dianan di fiesta.



Ministro encarga cu Turismo & Salubridad ta anuncia cu entrante **12 december 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuis- y un restaurantvergunning B** pa e parcela na **Caya Harmonia 1, Bldg 1, Lok 15**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisonan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.



Ministro encarga cu Turismo & Salubridad ta anuncia cu entrante **12 december 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuis- y un restaurantvergunning B** pa e parcela na **Wayaca 199, Lok 1**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisonan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.

E TRES LIDERNAN POLITICO A REUNI CU GOBERNADOR PA AVANSA RIBA FORMACION DI GOBIERNO



Oranjestad, Aruba – Dialuna e tres lídernan politico Wendrick Cecilia, Evelyn Wever Croes y Gerlien Croes a tene un reunion oficial cu gobernador di Aruba pa discuti e proceso di formacion di gobierno. E reunionnan aki ta un paso importante den e evaluacion inicial pa analisa e postura y e alineacion politico di e candidatonan, segun Gerlien a indica na salida di reunion.

Na su salida, Gerlien a bisa cu te dia dj awe, e no a haña e programa completo di partido AVP, pero si a ricibi dies punto. Di otro banda, ela ricibi e programa completo di partido MEP, Movimiento Electoral di Pueblo.

Segun Croes, e proceso ta enfocariba un comparacion di e programanan político, cu ta importante pa yega na un acuerdo y pa defini e base pa e formacion di gobierno. “Esey mester pasa lihe, pa asina Aruba por tin un gobernacion nobo lo mas pronto posibel,” Gerlien a bisa.

E reunion aki ta un paso importante den e proceso, unda e gobernador tin un rol fundamental como mediador pa garantiza estabilidad politico. Ta spera cu e lídernan lo logra consensus y duna direccion cla pa un gobernacion nobo cu ta enfoca riba e

prioridadnan di nos pais. cu lo tin desaroyonan formacion di gobierno. Despues di awe. lo sigui e positivo cu por yuda Awor Gobernador mester negosacionnan, y ta spera Aruba avansa den su anuncia un informador.



Aanvraag goedkeuring verkavelingsplan te Picaron conform art. 33 van de Landsverordening ruimtelijke ontwikkeling (LRO). Het ontwerp verkavelingsplan ligt vanaf 11 december 2024, onder voorbehoud van alle rechten dat het verkavelingsplan gewijzigd kan worden, gedurende een maand tijdens kantooruren, voor een ieder ter inzage bij **DIP, Sabana Blanco 68**. Het plan is ook te bekijken op www.dip.aw. Belanghebbenden kunnen tot een maand na deze termijn schriftelijk hun zienswijzen indienen over het ontwerp verkavelingsplan bij de Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening door tussenkomst van de directeur van de DIP.



Peticion pa aprobacion di un plan di parcelacion na **Picaron** conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambionan por wordo hasi na e parcelacion, durante un luna desde dia **11 december 2024** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.

Converti bo compranan di tur dia, den **momentonan inolvidabel**

Activa bo tarheta Bankomatiko+ Debit awe mes y ricibi recompensa cu cada compra. Cu cada compra di Afl. 100.00 of mas, bo tin chens un gift card exclusivo.

*Mara na cierto stipulacion y condicion. **Valido pa transaccion den tienda y online.

E campana aki ta valido te cu dia 31 di december, 2024.

+297 593 6374 | eAmigo Contact Center: + 297 522 3000 | cmbnv.com | [CMBnews](#) | bobancoamigo@cmbnv.com

LISTA AVP 2024 (SDP)

- 1. Wendrick Cecilia 4894
- 2. Mike de Meza 1476
- 3. Arrhur Dowers 1075
- 4. Stephany Sevinger 1347
- 5. Mervin Wyatt Ras 652
- 6. Jennifer Arends Reyes 507
- 7. Clifford Heiliger 295
- 8. Sonaly Acosta 396
- 9. Carlos Bermudez 230
- 10. Marlon Sneek 234
- 11. Otamo Tomasia 253
- 12. Jonathan Hart 108
- 13. Dennerich Kelly 195
- 14. Jamila De Mei 69
- 15. Juni Croes 80
- 16. Christoffer James 106
- 17. Cornelia Conner 57
- 18. Maria v d Biezen 42
- 19. Gilianne Lopes 61



- 20. Diana Bikker 70
- 21. Clyde Burke 77
- 22. Jennefer Franken 34
- 23. Madelaine Kelly 31
- 24. Oliviera Sambrano 59
- 25. Astrid Fries 28
- 26. Ferdinand Franca 40
- 27. Norman Roos 97
- 28. Zuleika Wever 82
- 29. Mike Eman 5277

Total: 17872



HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad iona.



RESULTADO LISTA DI MEP 2024:

- 1. Evelyn W Croes 6474
- 2. Dangui Oduber 2714
- 3. Xiomara Maduro 1053
- 4. Endy Croes 1662
- 5. Rocco Tjon 1035
- 6. Hendrik Tevreden 771
- 7. Edgard Vrolijk 505
- 8. Shailiny Tromp Lee 348
- 9. Setty Yarsagaray 262
- 10. Alvin Molina 125
- 11. Sharisa Arends Tromp 347
- 12. Rodymar Geerman 302
- 13. Marco Berlis 218
- 14. Aldrin Lampe 186
- 15. Natalee Geerman 352
- 16. Ricky Hoek 155
- 17. Shannon Henriquez 98
- 18. Wino Lopes 143
- 19. Erick Genser 103
- 20. Michella Steenvoorde 52
- 21. Nataly Arends 28
- 22. Shirley Rafini 151
- 23. Stefany Croes 15
- 24. Haime Winterdaal 16
- 25. Nolen Tomas 36
- 26. Chito Geerman 120
- 27. Jeffrey Schuilenburg 92
- 28. Rene Kock 75
- 29. Marcelainy Paskel 122

Total 17560. By SDPueblo



ARUBA BANK TA PATRONISA UNIFORMNAN PA EKIPO DI RCA U11-3

Oranjestad – 10 di december 2024 - Aruba Bank ta un patronisado orguyoso di uniformnan nobo pa ekipo U11-3 di RCA. Esaki ta demostra e compromiso di Aruba Bank pa sostene deporte local y e desaroyo di hubentud den nos comunidad.

E presentacion di e uniformnan vibrante a tuma lugar siman pasa hunto cu e team masha entusiasmo. E patrocinio ta enfoka pa duna e atletanan hobennan un uniform di calidad halto, estimulando orguyo y union ora nan ta representa nan ekipo riba veld.

Nos ta contento di por sostene e ekipo U11-3 cu uniform nobo pa asina aporta na e crecimiento y exito di e atletanan talentoso aki.

Aruba Bank ta sigui dedica na iniciativa cu ta reconoce e importancia di inverti den futuro generacion cu ta bini, atravez di deporte, educacion y proyecto pa comunidad.



**CAMBIA PERSPECTIVA
TOCANTE OBESIDAD:
SA BO NUMBER Y MIDI
BO PESO**



E DI 25 “ANNUAL CHARITY GOLF TOURNAMENT” DI ROTARY CLUB ARUBA TABATA UN EXITO ROTUNDO



Diasabra dia 30 di november a tuma lugar e di 25 “Annual Charity Golf Tournament” organisa pa Rotary Club Aruba. E aña aki un biaha mas e team dinamico di Rotary Club Aruba a kibra tur expectativa na unda a recauda mas di Afl. 90,000,-. Tur fondo recauda lo bai bek na nos comunidad. Rotary Club Aruba lo reparti e fondo aki bao di diferente fundacionan y instancia nan na Aruba. E exito aki no tawata posibel sin

e sosten continuo di nos “Platinum Sponsors”, cual ta Caribbean Mercantile Bank y Aruba Airport Authority.

E evento aki a trece 20 ekipo di golf hunto na The Links at Divi Resorts. Participantenan a wordo trata cu dushi cuminda, bebidanan refrescante, y un ambiente bibo cu a tene e animo halto durante henter dia. E evento a culmina den un anochi di celebracion cu a inclui un ceremonia di



premiacion, premionan di rifa, un “auction”, y un cena delicioso.

E team ganador a resulta e team di Satex cu tabata consisti di Indira Ras, Pedro Teixeira, Greg Wever y Evan Haime. E team ganador a ricibi un premio cortesía di Digicel. Na di dos lugar y cu premio cortesía di Boolchand’s a keda e team di Nedd Brothers cu tabata consisti di Larry Nedd, Christopher Nedd, Luis Camara y Donovan Nedd. E team di Aruba Lottery cu tawata consisti di Hendrik, Juny Albert, Pery Young y Hipy Kock a keda na di tres lugar y a ricibi premio cortesía di Divino.

E atraccion un biaha mas tabata e “Ball Drop”, unda cu tur presente por a cumpra un bala di golf asigna na nan nomber. Durante e anochi esakinan a wordo laga los na un “hole” riba e golf course. Esun cu a logra e ‘closest to pin’ den e atraccion aki a gana un 65” TV cortesía di Lucky Electronics. Ademas di esaki tabata tin e tradicional rifa

cu a conta premionan atractivo cortesía di nos companianan local. Tambe a tene un mini-auction, cu diferente paquete atractivo. Pa medio di e actividadnan aki, e mesun participantenan a haya un oportunidad pa hasi nan contribucion adicional.

Presidente Diego Acevedo a keda masha contento y satisfecho cu e fondo recauda un biaha mas e aña aki. Esaki ta danki na e trabao duro cu e comite organisador ta hasi. “Mi ta hopi orguyoso di e comite organisador cu un biaha mas a organisa un exitoso evento”. Miembro Milton van Brussel cu a lidera e comite organisador ta sigui na gradici tur e companianan cu a yuda Rotary e aña aki atrobe cu nan aparte. “Tur esaki ta hasi posibel pa Rotary Club Aruba sigui yuda esnan di mas necesidad den nos comunidad”.

A parte di e “Platinum Sponsors”, Rotary Club Aruba kier a gradici e “Premium Sponsors”, Divi Resorts, Elite Productions, Romar Trading y Zen Designs pa nan aporte. Un

gradicimento ta bai pa nos “Silver Sponsors” Ennia, Just Sparks, Eagle Aruba Resort and Casino y ASD. Tambe kier a duna un danki na e “Hole Sponsors”; Domino’s, Setar, Astec, Arugas, Guardian Group, Bon Bini Cargo, Plus Accountants, Euro Kitchen y Beter Homes N.V. Un gradicimento ta bai tambe na Ultimate Automobiles y Byd cu un biaha mas a patrosina e posibilidad di un “Hole-in-One”. Un danki special ta bai na e patronisadornan riba e area di F&B, cu sin duda a contribui na un experiencia completo durante y despues di e evento.

Rotary Club Aruba kier a gradici un y tur cu e aña aki un biaha mas a deposita nan confiansa den e torneo aki. Na tur miembro di e comite organisador di Rotary Golf y tur otro miembro di cu di un of otro manera a duna nan sosten, contribuyendo na un evento exitoso. Nos ta spera di conta cu boso sosten atrobe na 2025 pa e di 26 edicion di Rotary Annual Charity Golf Tournament.

E DIES MANDAMENTONAN DI DIOS PA TEMPORADA DI ADVENT

1. Stima y adora bo Senjor y bo Dios di henter bo curason, di henter bo alma, di henter bo sentir, di henter bo ser y mas cu tur cos di mundo y stima bo prohimo manera bo mes.

Akinan nos mester stima Dios mas cu nos mes y mas cu nos famianan.

Den e Ley di Dios aki ta prohibi nos di kere y di participa, den bruheria, den medium, den diosnan falso, den organisacionnan satanico, den illuminatienan, den reiki, den reincarnacion, den pactonan satanico, den hypnotismo, den horoscopo, den yoga, den quija board, no pone tatuahenan riba curpa, no marka e 666 riba curpa y no pone e microchip den bo curpa etc. E mesun ley di Dios ta bisa tambe, di stima bo prohimo manera bo mes. Akinan nos mester stima tambe e pobernan, e chollernan, e drogadictonan, e handicapnan, esnan mentalmente malo, bo enemigonan, esnan di tur rasa y religion. Pero nos no mester stima nan pikanan y nan errornan cu nan ta biba aden.

2. No usa e number di Dios sin mester. No menciona e number di Dios den bo dichonan y jokenan bulgar, den bo palabranan di blasfemia, den bo palabranan malo etc.

3. Santifica dia di Senjor. E dia di santificacion ta riba Diadomingo dia cu Cristo-Hesus a resucita. Diadomingo ta dia di descanso y e no ta un dia di traha den trabao. Diadomingo ta un dia di famia na unda tata y mama ta tuma tempo pa nan yiunan y tambe di bishita famianan. Diadomingo ta dia di Senjor na unda tur hende ta bai Misa, pa Santifica Dios Su dia den e Santa Eucaristia. Akinan nos ta sigi recorda Cristo Hesus Su Pasion, Su Sufrimento, Su Agonia y Su Morto na Crus te dia E bolbe bini. Den e Santa Eucaristia nos ta ricibi E Curpa y E Sanger di Cristo-Hesus pa nos por tin bida eterna. Lucas 22: 19/20, Huan 6: 53/54. Bai Misa riba Diadomingo ta obligatorio.

4. Honra bo tata y bo mama. Dios kier pa nos obedece nos tata y mama, pasobra Dios ta conseha nos y spierta nos pa medio di tata y mama. Yiunan cu ta tende y ta obedece nan tata y mama, nan lo haya e pas y e Felicidad den nan bida, den nan matrimonio y den nan famia. Yiunan soberbia cu no ta honra nan tata y mama, nan bida lo bira desaregla y

nan matrimonio lo fracasa. Yiunan, cuida boso tata y boso mama te dia cu Dios yamanan.

5. No mata. Akinan nos mester respeta bida di tur ser humano. Ta Dios tin nos destino den Su man, pa nos laga e mundo aki. No comete crimen, no comete suicidio, no comete abortus, no comete euthanasia.

6. No comete adulterio. Dios ta uni e pareha den un solo curpa den e Sacramento di Matrimonio den Misa y Dios no ta reconoce divorcio, Marco 10: 6-9. Na esnan cu a divorcia y ta bay biba cu otro persona, nan ta comete e pika di adulterio, Mateo 5: 31/32. Cristo-Hesus ta bisa, cu ningun di esnan cu ta comete e pika di adulterio, nan lo no drenta den e Reino di Dios, 1Corinthionan 6: 9/10.

7. No horta. Akinan nos mester respeta propiedadnan di otro, pasobra ta Dios ta duna nos tur loke cu nos tin mester pa biba. Esnan cu a horta y ta debe otro, nan lo paga nan debenan den purgatorio despues di morto.

8. No lanta falso testimonio riba bo prohimo. Ganjamento y haci redonan falso ta un pika grandi. No instiga otro cu rabia riba otro, no yena otro cu falsedad y odio, no tuma consejo di personanan pecador y desvia.

9. No comete e pika di fornicacion y e pika di deshonesto. E pika di fornicacion ta e relacion sexual prohibi pa Dios, cu ta e pika di curpa. Esaki ta esnan cu ta haci relacion den libertinahe sexual, esnan cu ta biba companja, esnan cu ta casa pa Raad so, e prostitutanen y tur relacion sexual pafor di e Sacramento di Matrimonio, ta condenabel. Den 1 Corinthionan 6: 9 / 10, Cristo Hesus ta avisa, cu ningun di esnan den fornicacion, nan lo no drenta den e Reino di Dios. E pika di deshonesto y di inmoralidad, ta e hombernan cu a kita nan tradicion natural pa bira homosexual y e muhernan cu a cambia nan tradicion natural pa bira lesbiana. Muhernan a cambia nan tradicion natural pa esnan contra naturalesa. Mescos hombernan a kita nan tradicion natural cu muher y a inflama nan mes den e pasion cu homber, den oral y anal



sex. Tambe, e hombernan cu ta masturba y ta usa condom pa benta nan spermanan afo, ta wordo condena. Muhernan cu ta usa tur sorto di anticonceptivonan, pa no sali na estado, ta wordo condena. Den Bijbel Genesis 38: 6-10, Dios Tata a kita bida di Onan, pasobra Onan tabata benta su spermanan afo. Tur sorto di anticonceptivonan a wordo crea pa satanas pa stop Dios Su autoridad di procreacion humano. Romanonan 1: 26/27, Levitico 18: 22, Levitico 20: 13.

Den 1 Corinthionan 6: 9/10, Cristo Hesus ta avisa, cu ningun di esnan cu ta comete e pika di deshonestidad y e pika di inmoralidad, nan lo no drenta den e Reino di Dios.

10. No codicia cos di otro hende. No codicia loke cu no ta di bo. No codicia e muher di otro, no codicia e homber di otro, no codicia su propiedad, no codicia su beneficienan. No sea envidioso, no sea avaricia, no sea soberbia y no sea lujuria.

Seferino Tromp
Koyari 13-D Cell. 5931157 / 5870048
Id. 57.11.22.40
E-mail: etajuni@yahoo.com

VACACION COMISION DI RETIRO

Director di Departamento di Labor y Investigacion ta ricibi conseho di e Comision di Retiro cu ta delibera ariba tur peticion di retiro entrega na Departamento di Labor y Investigacion pa un of mas dunado di trabao cu e meta pa por ricibi un permiso pa termina un relacion di trabao cu un of mas trahado.

Un comision independiente cu ta consisti di representantenan di organisacion di dunado

di trabao y representantenan di e mundo di sindicato (Artikel 3 Landsverordening Beëindiging Arbeidsovereenkomsten).

Na tur cliente di Departamento di Labor y Investigacion cu tin caso relaciona cu e permiso aki ta anuncia cu e Comision di Retiro ta bay cu vacacion di 18 di december 2024 te 08 di januari 2025.

Tur peticion pa por termina un relacion di trabou ta keda den proceso. Casonan cu ta rekeri pa bay Comision di Retiro y cu ta pendiente di e proceso di contradeci (verweerproces) lo mester tene cuenta cu un retraso den esaki. Na januari 2025 ta entrega tur caso pendiente na e Comision di Retiro.

COPPPAL TA CONDENA MASACRE EHECUTA NA HAITI P'E GANGNAN CRIMINAL

Conferencia Permanente de Partidos Politicos de America Latina y el Caribe (COPPPAL), cu profundo consternacion y indignacion a condena energicamente e masacre brutal cu a sosode na nCité Soleil, Haiti, un di e barionan di mas pover di e pais Caribeño aki, cu a cobra bida di mas di 180 Haitiano inocente.

COPPPAL ta reprobata categoricamente e acto aki di violencia ehecuta p'e gangnan criminal cu tin e pais isola for di varios aña loke a hiba na un crisis humanitario mayor y severo.

E partidonan miembro di COPPPAL ta expresa su solidaridad cu e famia di e victimanan y e pueblo Haitiano n'e momentonan aki di dolor y tristesa.

Senador Alejandro Moreno, a bisa cu pa COPPPAL, "ningun acto di barbarie contra e poblacion por ta tolera den ningun parti di mundo, pa cual nos ta demanda un investigacion extenso y transparente pa sanciona e responsabelnan di e crimen atroz aki contra e poblacion y nos ta exige husticia p'e victimanan."

E partidonan di e Conferencia aki, ta pidi e comunidad internacional pa tuma medida urgente pa restaura paz y estabilidad, asumiendo cu seriedad e crisis di



e pais Caribeño ruman aki.

El a bisa cu e crisis di gobernacion cu Haiti ta biba mester move henter e comunidad internacional pa diseña un strategia multilateral cu ta pone fin n'e violencia den e nacion aki y reestablece e condicionnan di gobernacion den e nacion.

"For di COPPPAL mi ta haci un yamada urgente n'e secretario general di Nacionnan Uni, Antonio Guterres, p'e convoca di urgencia un sesion di e Consejo

di Siguridad pa tuma decision puntual y urgente pa mantene e paz y e siguridad den e nacion aki,

como tambe den e region," el a conclui.

Clasificados










































SOLODIPUEBLO@GMAIL.COM

CEL. 585 9500



<div></div> <div>Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - December 10, 2024</div>		
<div></div> <div>Sorteo # 4475</div> <div>9614</div> <div>6008</div> <div>4117</div> <div></div> <div>FP</div> <div></div> <div>Sorteo # 4475</div> <div>4394</div> <div></div> <div>FP</div> <div></div> <div>Sorteo # 2531</div> <div>6381</div> <div></div> <div>Sorteo # 4475</div> <div>3016</div> <div>Tauro</div> <div></div> <div>Sorteo # 1349</div> <div>138</div> <div></div> <div>FP</div>	<div></div> <div>Sorteo #</div> <div>Joker Letter</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Proximo Jackpot</div> <div>130.000,-</div>	
<div></div> <div>Sorteo #</div> <div>Proximo Jackpot</div> <div>0 x Jackpot</div> <div>0 x Match 4</div> <div>0 x Afl. 8,00</div> <div>54.000,-</div>		
<div></div> <div>Sorteo #</div> <div>Mega Ball</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div>Proximo Jackpot</div> <div>380.000,-</div>		
<div></div> <div>Afl. 480.000,-</div>		
<div></div> <div>Sorteo #</div> <div></div> <div>Sorteo #</div> <div></div>		

<div></div> <div>Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - December 10, 2024</div>		
<div></div> <div>Sorteo # 8420</div> <div>9468</div> <div>6202</div> <div>3803</div> <div></div> <div>X2</div> <div></div> <div>Sorteo # 7464</div> <div>1459</div> <div></div> <div>FP</div> <div></div> <div>Sorteo # 2169</div> <div>4445</div> <div></div> <div>Sorteo # 6223</div> <div>3190</div> <div>Aries</div> <div></div> <div>Sorteo # 1153</div> <div>256</div> <div></div> <div>FP</div>	<div></div> <div>Sorteo #</div> <div>Joker Letter</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Proximo Jackpot</div> <div>130.000,-</div>	
<div></div> <div>Sorteo #</div> <div>Proximo Jackpot</div> <div>0 x Jackpot</div> <div>11 x Match 4</div> <div>104 x Afl. 8,00</div> <div>54.000,-</div>		
<div></div> <div>Sorteo #</div> <div>Mega Ball</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div>Proximo Jackpot</div> <div>380.000,-</div>		
<div></div> <div>Afl. 480.000,-</div>		
<div></div> <div>Sorteo #</div> <div></div> <div>Sorteo # 167</div> <div>133189</div> <div></div>		

FORTALEZA PA FAMIA

Scirbi pa Pastor Marcel Balootje.

CONSTRUI UN CAS Y ESTABLECE UN HOGAR

Tur hende por construi un cas, sea di palo , blokki, of ta cumpra un cas, no ta importa e grandura sea e tin uno, dos, tres camber of cinco camber, pero su construccion mester ta fuerte pa e por ta un cas duradero.

Pero ora nos ta papia di un hogar, nos ta papiando di algo mas excelente, caminda amor y pas ta reina, caminda tin respet, etica y un moralidad hopi halto, caminda Cristo Hesus ta na prome lugar.

Bijbel ta siña nos pa traha nos cas riba e Baranca cu ta Cristo Hesus, y ora mal tempo y tempestad presenta nos ta sigur pasobra nos cas ta riba e baranca cu ta Cristo, aki nan nos ta papia di tanto nos cas fisico , como nos bida spiritual.

Kico ta pasando awendia? Hende den nan afan pa competencia y grandesa, orguyo, y falta di temor di Dios, no ta worry cu e presencia di Dios den nan cas , pero ta e presencia di Dios den un cas ta cambia e edificio hacie un hogar.

Placa no por cambia un cas den un hogar, pasobra placa no tin poder pa transforma mente y curason di hende. Placa no ta amor, y amor no ta Placa. Tin hende tin hopi placa, pero ta hopi pober, pasobra nan no tin amor y caminda no tin amor di Dios no tin nada.

Cu sabiduria un cas ta wordo traha, y cu comprendemento e ta wordo estableci.(Proverbionan 24:3).

Nos mester busca sabiduria di Dios, awor mas cu nunca pa dirigi nos famia, pasobra e tempo den cual nos ta bibando ta trabahoso, y enemigo ta haci tur locual ta posibel pa trece mal comprendemento, rebeldia y division den un hogar.

Pesey Oracion ta necesario, Ayuno ta necesario,Alabansa ta necesario, Conocemento di e palabra di Dios ta necesario , pa asina henter e famia por

para firme contra e plannan di e enemigo.

Union den famia ta sumamente necesario, ningun hende por wordo laga afo, mester pone atencion un pa otro, mester pordona y stima otro y den tur caso, y mas cu tur cos encurasha otro pasobra e dianan ta dificil.

Nos tur mester permiti Señor establece nos cas, tanto spiritual como fisico, nos mester pone nos cas na ordo, sacando tur locual no ta di Señor for di nos bida, y biba den boluntad di Dios.

Nos bida mester ta un bida cu ta agrada Dios, nos no por biba den pleito, faltamento di respet, palabra malo na cantidad, violencia domestico y kere cu nos bida ta agrada Dios.


Cuminsa saca bruheria y idolatria for di nos cas, pasobra esey ta cos abominabel y prohibi pa Dios, for di cuminsamento di mundo.


Ban deshaci di e uso di droga y alcohol, kibra cu adulterio y fornicacion, pasobra e boluntad di Dios pa nos bida ta nos : Santificacion , esta pa nos abstene di tur clase di inmoralidad sexual, pa cada uno di nos sabi con pa tene nos curpa den santificacion y honor. (1 Thesalonisensenan 4:3).

Ma busca prome e reino di Dios y Su husticia prome y tur e cosnan aki lo wordo añadi na boso,

Ora nos hogar ta yena cu e presencia di e Haltisimo, nos pensamiento lo cambia, pasobra caminda tin presencia di Dios ta no tin lugar pa falsedad, mentira, dobbel animo, pero e seguridad cu Cristo Hesus ta ofrece ta nos lus di cada dia, y nos confiansa lo aumenta, y nos bida lo ta un testimonio cu otronan por mira y asina gradici Dios tur momento.

Sinceramente , Pastor Marcel Balootje.

<div><p>OPENBAAR MINISTERIE ARUBA</p></div>		
Corte di Prome Instancia 19 december 2024		
Horario	Sospechoso	Acto Castigabel
14.00	E.R.d.M.	Pro forma. R.d.M. ta wordo acusa di abuso sexual di un menor entre 2014 y 2016.
14.00	J.E.P.T.	Pro forma. P.T. ta wordo acusa di a causa un accidente cu a tuma bida di un persona riba 24 di mei 2024.
14.00	G.R.M.G. A.J.C.I.	Pro forma. M.G. y C.I. ta wordo acusa di a viola ley di droga y di posesion di arma di candela riba 8 di juni 2024.
14.00	M.A.d.M.	Pro forma. D.M. ta wordo acusa di abuso sexual di un menor di september 2019 te oktober 2022.
14.00	S.O.H.	Pro forma. H. ta wordo acusa di abuso sexual di un persona di januari te augustus 2023.
14.00	J.G.K.	Pro forma. K. ta wordo acusa di ladronicia riba 17 di februari 2024 y riba 11 di juli 2024.
14.00	A.J.Z.C.R. J.C.A.S.	Pro forma. C.R. y A.S.ta wordo acusa di intento di asesinato di dos persona riba 8 di september 2024, dor di los tiro riba nan. Nan a wordo acusa di posesion di un arma di candela y balanan riba e fecha en cuestion. Nan ta wordo acusa ademas di destrui dos auto riba e dia menciona.
14.00	R.A.M.T.	Pro forma. M.T. ta wordo acusa di posesion di un of mas pistolnan y revolvernan y balanan den e periodo di 16 di december 2023 te 14 di juni 2024.



5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

			9			1		2
7			3			6		
		2					3	
9					8	7		
3				1				9
		6	5					1
	1					4		
		4			9			6
8		3			6			



SOLODIPUEBLO@GMAIL.COM
CEL.585 9500



"BINI CERCA MI, TUR CU TA CANSA Y CARGA." MATEO 11, 28

Hesus su palabra ta palabra di amor. No amor pasahero, pero amor incondicional cu ta dura pa semper. Si awe bo tin cualkier dolor y preocupacion, bay cerca djE, E lo duna bo paz y tranquilidad.

Hesus su carga ta lihe y nunca intenciona pa haci nos dolor, Su carga t'ey pa corda nos cu E ta cu nos y cu El a carga e carga pisa pa nos. E mes a anuncia na nos cu E ta manso y humilde di curason, E ta

mescos cu un lamchi. Laga nos imita Cristo y laga nos haci tur cos pa nos rumannan cu ta cana den dolor y fatiga. Hesus ta ofrece nos paz, felicidad, mansedumbre, alegria infinito y bida eterno.

Oracion: Señor Hesus, haci mi curason pareu na Bo curason pa medio di Bo Spirito Santo cu ta reina cu Bo den tur eternidad. Amen.

PLASTIC: MI KIER CONTRIBUI POSITIVAMENTE - NA UNDA POR MI POR DEPOSITA ESAKINAN?

Reduci nos uso di plastic ta un di e pasonan mas importante pa proteha nos medio ambiente y naturalesa. Pakico? Pasobra nos tur sa cu e impacto di desperdicio di plastic ta un di e retonan mas significante di nos generacion cu tur pais ta enfrentando. Door di reduci uzo y recicla locual nos no por evita di usa por reduci e cantidad cu ta yega na un landfill, of tambe e cantidad cu ta drenta nos naturalesa y lama.

Aruba ta un isla rondona pa lama. Basa riba datos scientifico, nos tambe sigur tin un responsabilidad pa minimalisa nos impacto pa mehora e situacion mundial. E realidad ta cu aunke nos isla no ta produci plastic, si nos uso di plastic ta halto, y hopi plastic di Caribe ta yega nos costanan mescos cu nos uso y desperdicio di plastic tambe ta yega costanan di otro islanan of paisnan via lama.

Con ta distingui e diferente desperdicio di plastic?

Tin varios tipo di plastic cu ta wordo aplica pa traha diferente tipo di producto. Por ehempel, Polyethylene terephthalate (PET) ta un di e tipo di plastic mas comun cu por recicla. Kinan por pensa di por ehempel botter di awa, juice, refresco (of bebida en general), baki di cuminda (food containers) y otro productonan similar.

High-density polyethylene (HDPE) ta un otro tipo di plastic cu por ser recicla. HDPE ta ser uza pa botter di por ehempel lechi, shampoo/conditioner, y ta un plastic mas duro. HDPE tambe ta ser uza pa cierto material di construccion di plastic. Pa aumenta e grado di reciclahe di plastic e mester ta limpi y no contamina.

Mi kier haci mi parti: unda mi por entrega mi plastic?

Plastic tin un costo pa procesa, pero e impacto positivo riba nos medio ambiente y naturalesa, no tin prijs! Por deposita plastic na e proximo lugarnan actualmente:

- Plastic Beach Party (Recycling)
- Ecotech Freezone (Export di algun tipo)
- AruPro (Reusa exclusivamente su productonan).

Door di reduci y recicla mas, nos por baha nos impacto negativo riba medio ambiente. Recicla plastic tambe ta tuma menos recurso natural y energia compara cu crea plastic nobo. Pues tin un beneficio economico cu mester ser explora den futuro.

Na e momento aki nos ta conta cu boluntad di e personanan cu kier contribui na haci un impacto positivo, pa separa y deposita nan plastic na un di e companianan.

Pa mas informacion tocante desperdicio di plastic por tuma contacto cu e companianan of bishita website www.trashtocasharuba.org pa asina haya un bista di e Blue Print pa maneho di desperdicio.

STICHTING MONUMENTENFONDS ARUBA, ARUBA BANK Y MINISTER WEVER TA TUMA E PROME PASO PA RESTAURACION DI E EDIFICIO DI JOHN G. EMAN

D 4 di december, Stichting Monumentenfonds Aruba (SMFA) a yega na un logro importante den e redestinacion di un edificio historico den curazon di Oranjestad.

Hunto cu Minister di Economia, Geoffrey Wever, representantenan di Aruba Bank, Nationaal Restauratiefonds di Hulanda (NRF) y SMFA a firma un acuerdo di intencion pa cu compra y restauracion di ex edificio di John G. Emanbank na Caya G.F. Betico Croes 41.

Durante e ceremonia di firmamento Minister di Economía Geoffrey Wever, sra Anne Witsenburg di SMFA, sra Marleen van der Borgt di Aruba Bank y meneer Coen Reinders di NRF a hiba palabra.

E bunita edificio, cu ta data di añanan trinta, y a fungi pa hopi aña como oficina di Aruba Bank. Funda pa John G. Eman como e John G. Emanbank na 1925, el a bira Aruba Bank na juli 1936. E edificio historico aki tin mas cu diez aña for di uzo, pero pronto lo wordo rebiba danki na e colaboracion entre e diferente partidonan.

Colaboracion
E acuerdo di intencion ta un colaboracion entre SMFA, Ministerio di Economía, Aruba Bank y Nationaal Restauratiefonds (NRF) di Hulanda. E ta encera compra y financiamiento di e restauracion y

renobacion di e edificio. Banda di esaki a haci oficial e acuerdo di intencion cu Ministerio di Economia pa huur di e propiedad na varios departamento cu ta resorta bou di e Ministerio. E plannan nobo lo inclui oficina pa Centraal Bureau Statistiek Aruba (CBS) y Sociaal Economische Raad (SER).

Ademas, lo inclui un espacio comercial na e piso abou pa un facilidad di horeca y un apartamento luhoso na e prome piso.

Balor historico y siguiente pasonan

E edificio tin un arkitektura unico y clasico y ta un potencial monumento cual lo por haya su proteccion di Monumentenbureau unabes e edificio bira propiedad di SMFA. Cu e acuerdo di awe ta pone e prome paso no solamente pa restaura, pero tambe pa conserva su balor historico y na mes momento dun'e un funcion nobo cu ta contribui na revitalisacion di Oranjestad.

E acuerdo di intencion ta duna NRF y SMFA 6 luna pa finalisa e buskeda di fondo pa e parti restauracion.

Despues SMFA lo continua cu e proceso necesario pa asina por cumpli cu e acuerdo pa compra y traspaso oficial di e edificio na e fundacion. E siguiente paso lo ta pa continua cu e plannan pa restauracion y asina inicia cu e proyecto oficialmente na final di 2025.



SMFA ta gradeci na e diferente partnernan pa e colaboracion y spera cu pronto nos ta bek dilanti di e edificio di John G. Emanbank pa por anuncia e traspaso oficial di e edificio pa nos fundacion por preserva esaki pa futuro generacionnan.



Ham horna 45,-
Galinja horna 45,-
Galinja jena 60,-
Kalacuna 150,-
Kalacuna jena 180,-
Cubo mes un ham /galinja of kalacuna!
Pa ami cumpra hqm/galinja of kalacuna.
Ham 110,-
Galinja 90,-
Galinja jena 105,-
Kalacuna 260,-
Kalacuna jena 290,-
Pa 10 persona
Lomito 120,-
Roastbeef 100,-
Chicken breast 90,-
oestersaus of mushroom
Salada batata 40,-
Aroos con pollo 45,-
Ayaca 7,-

Pa pedido por jama of whatsapp mi riba 7497071

te cu 22 dec

Gradicimento y invitacion

Nos ta aprecia masha hopi mes bo(so) muestra di atencion.
Bo(so) amabilidad, oracion y presencia tabata un gran sosten y forza durante fayecimento y entierro di nos defunto stima:



Sra. Augustina Bibiana Quandus-Quandus **Cariñosamente yama “Ibia”**

Nos ta gradici Paulita (Lita) Quandus pa su bunita oracionan y palabranan di fortaleza, Maritza Albertsz cu semper tawata cla pa yuda, Mona de Mey y su prima Emy Angela cu tawata su costureranan.

Un danki special tambe na Edmund Harms Foundation, su yiu Joanne y Big Sis Marieta (Jeta) cu a cuide durante su enfermedad. Tambe na Aurora Funeral Home pa cu su bon servicio y atencion.

Pa descanso di alma di nos Ibia stima ta invita tur famia, amistades y conocirnan pa compañía nos na tres (3) Santo Sacrificio di misa cual lo ta na Parokia St. Anna na Noord.

Diarazon 11 december 2024 pa 6:30 pm

Diavierna 13 december 2024 pa 6:30 pm

Diasabra 14 december 2024 pa 7:00 pm

Despues di e ultimo misa lo tin un Rosario na Tanki Flip 1-R.

Boso presencia lo ta altamente aprecia.